

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), člana 34. Zakona o radu („Službene novine Federacije BiH“, broj: 26/16, 89/18 i 44/22), Strategije razvoja Zeničko-dobojskog kantona za period 2021.-2027. godina („Službene novine Zeničko-dobojskog kantona“ broj: 3/21), Akcionog plana za implementaciju Strategije razvoja Zeničko-dobojskog kantona za period 2022.-2024. godina i Trogodišnjeg plana rada Ministarstva za rad, socijalnu politiku i izbjeglice Zeničko-dobojskog kantona 2022.-2024. godina, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 29. sjednici, održanoj dana 26.07.2023. godine, d o n o s i

ZAKLJUČAK

I.

Daje se saglasnost na prijedlog Programa o izmjenama i dopunama Programa „Stručno osposobljavanje bez zasnivanja radnog odnosa nezaposlenih osoba bez radnog iskustva za potrebe Vlade Zeničko-dobojskog kantona za period 2023.-2024. godina“, Ministarstva za rad, socijalnu politiku i izbjeglice Zeničko-dobojskog kantona i Regionalne razvojne agencije za regiju Centralna BiH-REZ, na koji je Vlada Zeničko-dobojskog kantona dala saglasnost Zaključkom broj: 02-34-7508/23 od 10.05.2023. godine.

II.

Ovlašćuje se ministar za rad, socijalnu politiku i izbjeglice da u ime Vlade Zeničko-dobojskog kantona potpiše Program iz tačke I. ovog zaključka.

III.

Međusobna prava i obaveze strana potpisnica Programa i krajnjih korisnika - ministarstava i drugih tijela kantonalne uprave Zeničko-dobojskog kantona u koja budu raspoređene osobe angažovane putem Programa iz tačke I. ovog zaključka, detaljno će biti uređena Sporazumom o međusobnoj saradnji, a kako je to definisano u tački 7.1. Programa.

IV.

Sredstva odobrena Odlukom Vlade Zeničko-dobojskog kantona broj: 02-11-8296/23 od 19.05.2023. godine, koja su kao namjenska prebačena na račun implementatora Programa Regionalne razvojne agencije za regiju Centralna BiH-REZ, namjenski će se koristiti i za finansiranje stručnog osposobljavanja osoba koje budu primljene po Programu iz tačke I. ovog zaključka.

V.

Za realizaciju Programa zadužuju se Ministarstvo za rad, socijalnu politiku i izbjeglice i Regionalna razvojna agencija za regiju Centralna BiH-REZ, svako u okviru svoje nadležnosti.

VI.

Zaključak stupa na snagu danom donošenja.

PREMIJER

Broj: 02-_____/23
Datum, 26.07.2023. godine
Z e n i c a

Amra Mehmedić

DOSTAVLJENO:

1x Ministarstvo za rad, socijalnu politiku i izbjeglice,
1x Regionalna razvojna agencija za regiju Centralna BiH - REZ,
putem Ministarstva,



BOSNA I HERCEGOVINA
FEDERACIJA BOSNE I HERCEGOVINE

Zeničko-dobojski kanton
Ministarstvo za rad, socijalnu politiku i izbjeglice
i
Regionalna razvojna agencija za regiju Centralna BiH- REZ

P R O G R A M
O
IZMJENAMA I DOPUNAMA
P R O G R A M A

***„Stručno osposobljavanje bez zasnivanja radnog odnosa
nezaposlenih osoba bez radnog iskustva za potrebe Vlade Zeničko-
dobojskog kantona za period 2023.-2024. godina“***

Prijedlog

Zenica, juli 2023.godine

Na osnovu člana 34. Zakona o radu („Službene novine Federacije BiH“, broj: 26/16, 89/18 i 44/22), dok je osnov za realizaciju Programa sadržan u Strategiji razvoja Zeničko-dobojskog kantona za period 2021.-2027. godina („Službene novine Zeničko-dobojskog kantona“ broj: 3/21), Akcionom planu za implementaciju Strategije razvoja Zeničko-dobojskog kantona za period 2022.-2024. godina i Trogodišnjem planu rada Ministarstva za rad, socijalnu politiku i izbjeglice Zeničko-dobojskog kantona 2022.-2024. godina, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona donosi,

P R O G R A M
o izmjenama i dopunama Programa „Stručno osposobljavanje bez zasnivanja
radnog odnosa nezaposlenih osoba bez radnog iskustva za potrebe Vlade Zeničko-
dobojskog kantona za period 2023.-2024. godina“

Član 1.
(Izmjena tačke 4. Programa)

U Programu Stručno osposobljavanje bez zasnivanja radnog odnosa nezaposlenih osoba bez radnog iskustva za potrebe Vlade Zeničko-dobojskog kantona za period 2023.-2024. godina“, na koji je Vlada Zeničko-dobojskog kantona dala saglasnost Zaključkom broj: 02-34-7508/23 od 10.05.2023. godine, tačka 4. Cilj Programa, mijenja se i glasi:

„ 4. Cilj Programa

Program se odnosi na stručno osposobljavanje bez zasnivanja radnog odnosa 40 osoba bez radnog iskustva prijavljenih na evidenciji JU Služba za zapošljavanje Zeničko-dobojskog kantona koje će za potrebe Vlade Zeničko-dobojskog kantona biti angažovane u ministarstvima i drugim tijelima kantonalne uprave Zeničko-dobojskog kantona.“

Dio teksta koji se odnosi na Specifični cilj Programa i Očekivani efekti Programa u okviru tačke 4. ostaju nepromjenjeni.

Član 2.
(Izmjena tačke 5. Programa)

Tačka 5. Ciljna grupa, mijenja se i glasi:

„ 5. Ciljna grupa

Ciljna grupa su mlade nezaposlene osobe do 35 godina starosti bez radnog iskustva u stečenoj stručnoj spremi i zanimanju, koje se nalaze na evidenciji nezaposlenih osoba prijavljenih kod JU Služba za zapošljavanje Zeničko-dobojskog kantona.

U ovaj Program neće moći biti uključene nezaposlene osobe koje su u ranijem periodu stekle radno iskustvo kroz volonterski staž ili kroz stručno osposobljavanje bez zasnivanja radnog odnosa kod drugog poslodavca.

Programom će biti obuhvaćeno 40 osoba bez radnog iskustva prijavljenih na evidenciji JU

Služba za zapošljavanje Zeničko-dobojskog kantona, od čega 35 osoba sa visokom stručnom spremom (VSS) i 5 osoba sa srednjom stručnom spremom (SSS).

U odnosu na specifična zanimanja struktura osoba koje će biti angažovane na stručno osposobljavanje bez zasnivanja radnog odnosa je sljedeća:

Visoka stručna sprema (VSS),

1. Zanimanja u okviru društvenog smijera, odnosno diplomanti fakulteta iz grupacije društvenih nauka, kako slijedi:
 - a) Pravni fakultet
 - b) Fakultet za kriminalistiku, kriminologiju i sigurnosne studije
 - c) Fakultet političkih nauka
 - d) Ekonomski fakultet
2. Zanimanja u okviru humanističkog smijera, odnosno diplomanti fakulteta iz grupacije humanističkih nauka, kako slijedi:
 - a) Filozofski fakultet,
 - b) Pedagoški fakultet,
 - c) Fakultet sporta i tjelesnog odgoja
3. Zanimanja u okviru tehničkog smijera, odnosno diplomanti fakulteta iz grupacije tehničkih nauka, kako slijedi:
 - a) Arhitektonski fakultet,
 - b) Građevinski fakultet,
 - c) Mašinski fakultet,
 - d) Elektrotehnički fakultet,
 - e) Fakultet za saobraćaj i komunikacije,
 - f) Fakultet za metalurgiju i materijale,
4. Zanimanja u okviru prirodno-matematičkih i biotehničkih nauka, odnosno diplomanti fakulteta iz grupacije prirodno-matematičkih i biotehničkih nauka, kako slijedi:
 - a) Poljoprivredno-prehrambeni fakultet.

Srednja stručna sprema (SSS),

1. Ekonomski tehničar- IV stepen,
2. Tehničar građevinske struke – IV stepen.“
- 3.

Član 3. **(Dopuna tačke 7. Programa)**

Iza tačke 7. Način realizacije programa, dodaje se nova tačka 7.1. i glasi:

„ 7.1. Način realizacije Programa o izmjenama i dopunama Programa

Ministarstvo će kao nosilac Programa uputiti prijedlog Programa o izmjenama i dopunama Programa na saglasnost Vladi Zeničko-dobojskog kantona. Po pribavljanju saglasnosti Vlade, Program potpisuju u ime Vlade Zeničko-dobojskog kantona resorni ministar za rad, socijalnu politiku i izbjeglice i direktor REZ-a.

REZ će objaviti Ponovni Javni poziv za prijavu na Program o izmjenama i dopunama Programa na web stanicama Zeničko-dobojskog kantona, REZ-a i JU Služba za zapošljavanje

Zeničko-dobojskog kantona.

Ponovni javni poziv će ostati otvoren do 30. septembra 2023. godine.

Komisija za izbor korisnika programa će sačiniti Kriterije za izbor korisnika programa sa mjerljivim elementima bodovanja na osnovu kojih će se vršiti bodovanje i konačno rangiranje korisnika Programa o izmjenama i dopunama Programa

Po zatvaranju javnog poziva, Komisija za izbor će pregledati formalnu ispravnost prijave, te izvršiti bodovanje i rangiranje kandidata u skladu sa utvrđenim kriterijima, te sačiniti konačnu rang listu kandidata.

Nakon sačinjavanja konačne rang liste i utvrđivanja konkretnih zanimanja kandidata na konačnoj rang listi, pristupit će se zaključivanju pojedinačnih Sporazuma o međusobnoj saradnji na realizaciji Programa o izmjenama i dopunama Programa između Ministarstva za rad, socijalnu politiku i izbjeglice kao nosioca Programa, REZ-a kao implementatora programa i krajnjih korisnika, odnosno svakog ministarstva ili drugog tijela kantonalne uprave u koje bude rapoređen kandidat ili više njih na stručno osposobljavanje za samostalan rad bez zasnivanja radnog odnosa. Osnov za raspoređivanje kandidata u konkretno ministarstvo ili drugo tijelo kantonalne uprave biti će nadležnost samog organa u koji se raspoređuje i zanimanje kandidata, kako bi se osiguralo stručno osposobljavanje za zanimanje koje je najsrodnije poslovima iz nadležnosti organa u koji se raspoređuje.

Nakon zaključivanja Sporazuma o realizaciji Programa o izmjenama i dopunama Programa REZ će pristupiti zaključivanju pojedinačnih ugovora sa kandidatima, u kojim će biti precizirano ministarstvo ili drugo tijelo kantonalne uprave u koje se lice raspoređuje na obavljanje stručnog osposobljavanja bez zasnivanja radnog odnosa u skladu sa zaključenim Sporazumom. REZ će kopiju ugovora u roku 8 dana od dana zaključivanja istog dostaviti JU Služba za zapošljavanje Zeničko-dobojskog kantona radi evidencije i nadzora. Lica angažovana na stručno osposobljavanje imaju pravo na zdravstveno osiguranje kako je to utvrđeno propisima za nezaposlena lica i isto ostvaruju putem JU Služba za zapošljavanje Zeničko-dobojskog kantona.

REZ će obavljati sve administrativne poslove vezane za zaključene ugovore, sačinjavanje administrativnih obrazaca koji su relevantni za stručno osposobljavanje bez zasnivanja radnog odnosa, staranje o mjesečnim isplatama ugovorene naknade, mjesečnim uplatama obaveznog osiguranja i uplate akontacije poreza na dohodak, a na osnovu evidencija o prisustvu koje će dostavljati ministarstva-krajnji korisnici programa u koje budu raspoređene osobe na stručnom osposobljavanju.“

Član 4. (Izmjena tačke 8. Programa)

Tačka 8. Obaveze ministarstava -krajnjih korisnika Programa, mijenja se i glasi:

„ 8. Obaveze ministarstava i drugih tijela kantonalne uprave-krajnjih korisnika Programa

Ministarstva i drugih tijela kantonalne uprave Zeničko-dobojskog kantona u koja budu rapoređene osobe na stručno osposobljavanje bez zasnivanja radnog odnosa imati će sljedeće obaveze:

1. Potpisati Sporazum o realizaciji Programa o izmjenama i dopunama Programa sa Ministarstvom za rad, socijalnu politiku i izbjeglice kao nosiocem Programa u ime Vlade i REZ-om, u kojem će preciznije biti definisane međusobne obaveze svih strana potpisnica,

2. Sačiniti Plan stručnog osposobljavanja za osobe primljene na stručno osposobljavanje u skladu sa stručnom spremom i zanimanjem angažovanih osoba,
3. Imenovati mentora zaduženog za osposobljavanje angažovane osobe putem Programa,
4. Redovno dnevno evidentirati prisustvo angažovanih osoba i redovno mjesečno dostavljati evidencije (šiht liste) o prisustvu angažovanih osoba REZ-u,
5. Imenovati Komisiju za evaluaciju i ocjenu rada angažovane osobe, organizovati polaganje stručnog ispita po okončanju perioda na koji su osobe primljene na osposobljavanje za samostalan rad, te izdati uvjerenja o položenom stručnom ispitu.

Član 5.
(Prijelazne i završne odredbe)

Ukupan broj osoba koje će prema Programu biti primljene na stručno osposobljavanje bez zasnivanja radnog odnosa je 40 osoba, od čega je 6 osoba primljeno po prvom javnom pozivu, a prijem preostale 34 osobe planiran je nakon raspisivanja ponovnog javnog poziva koji će biti usklađen sa Programom o izmjenama i dopunama Programa.

Ukupna sredstva za realizaciju Programa odobrena Odlukom Vlade Zeničko-dobojskog kantona broj: 02-11-8296/23 od 19.05.2023. godine namjenski će se koristiti i za prijem osoba na stručno osposobljavanje koje budu primljene i po ponovnom javnom pozivu.

Član 6.
(Stupanje na snagu)

Ovaj program stupa na snagu danom usvajanja od strane Vlade Zeničko-dobojskog kantona, a primjenjivat će se od dana potpisivanja istog.

Broj: _____/23
Zenica, __. __. 2023. godine

**Ministarstvo za rad, socijalnu
politiku i izbjeglice Zeničko-dobojskog
kantona**

MINISTAR

Zlatko Jelić

**Regionalna razvojna agencija za
regiju Centralna BiH- REZ**

DIREKTOR

Ismet Sarajlić